

Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Tertiæ Partis Volumen Secundum

Thomas <von Aquin, Heiliger>

Romae, 1619

Vtru[m] recedente fictione baptismus obtineat effectum suum? 10

urn:nbn:de:hbz:466:1-38725

Vtrum fictione recedente, baptismus suum effectum consequatur?

AD decimum sic proceditur. Videtur, quod si & iōne recedente, baptismus suum effectum non consequatur. Opus enim mortuum, quod est sine charitate, non potest umquam viuificari. Sed ille qui fictus accedit ad baptismum, recipit sacramentum sine charitate. Ergo numquam potest viuificari hoc modo, ut gratiam conferat.

¶ 2 Præterea, Fictio videtur esse fortior quam baptismus, cum impedit eis effectum. Sed fortius non tollitur à debiliōri. Ergo peccatum fictionis nō potest tolli per baptismum fictio impedītum. Et sic baptismus non consequetur suum effectum, qui est remissio omnium peccatorum.

¶ 3 Præterea, Contingit quod aliquis fide accedat ad baptismum, & post baptismum multa peccata committat, quæ ramen per baptismum non tolluntur: quia baptismus tollit peccata præterita, non futura. Ergo baptismus talis numquam consequetur suum effectum, qui est remissio omnium peccatorum.

SED contra eit, quod August. * dicit in lib. de baptismo, Tunc valere incipit ad salutem baptismus, cum illa fictio veraci confessione recesserit, quæ corde in malitia vel sacrilegio perseverante, peccatorum † ablutionem non sinebat fieri.

R E S P O N D E O dicendum, quod (sicut supra dictum est *) baptismus est quædam spiritualis regeneratio. Cum autem aliquid generatur, simul cum forma recipit effectum formæ, nisi sit aliquid impediens, quo remoto forma rei generata perficit suum effectum: sicut simul cum corpus graue generatur, mouetur deorsum, nisi sit aliquid prohibens, quo remoto statim incipit moueri deorsum. Et similiter quando aliquis baptizatur, accipit characterem quasi formam, & consequitur proprium effectum, qui est gratia remittēs opinia peccata, impeditur au-

toptica Par. Vol. ij.

N tem

405
4 d. 4. q.
3. a. 2. q.
3. & dis.
17. q. 3. a.
4. q. 1.

* lib. I. de
bapt. iōt.
Donat. c.
12. ante
me. 10. 7.
& habe-
tur de cō-
fessr. d. 4.
c. 41.
† al. abo-
litionem
* q. c. 6. d.
9.

tem quandoque per fictionem: vnde oportet, quod remota ea per pœnitentiam, baptismus statim consequatur suum effectum.

Ad primum ergo dicendum, quod sacramentum baptismi est opus Dei, & non hominis. Et ideo non est mortuum in ficto, qui sine charitate baptizatur.

Ad secundum dicendum, quod fictio non removetur per baptismum, sed per pœnitentiam subsequentem: qua remota, baptismus auferit culpam & reatum omnium peccatorum præcedentium baptismum, & etiam simul existentium cum baptismō.

* lib. I. de bapt. par. c. 12. in fi. 10. 7. ha. conf. d. 4. c. 40. in fine.

Vnde August. dicit* in lib. de baptismō parvularū, Soluitur hesterus dies, & quicquid superest soluitur, etiam ipsa hora, momentumq; ante baptismum, & in baptismō: deinceps autem continuo reus esse betur de incipit. Et sic ad baptismi effectum consequendum concurrit baptismus & pœnitentia: sed baptismus sicut causa per se agens; pœnitentia sicut causa per accidens, id est, remouens prohibens.

Ad tertium dicendum, quod effectus baptismi non est tollere peccata futura, sed præsentia vel præterita. Et ideo recedente fictione, peccata sequentia remittuntur quidem, sed per pœnitentiam, non per baptismum. Vnde non renuntiantur quantum ad totum reatum, sicut peccata præcedentia baptismum.

QVÆST. LXX.

De circumcisione, qua præcessit baptismum, in quatuor articulos diuisa.

DEINDE considerandum est de præparatorijs ad baptismum. Et primo de præparatorio quod præcessit baptismum, id est, de Circumcisione. Secundo, de præparatorijs, quæ concurrunt simul cum baptismō, scilicet de catechismo, & exorcismo.

¶ Circa primum quæruntur quatuor.

¶ Primo, vtrum circumcisio fuerit præparatoria, & figurativa baptismi?

¶ Se-